

A2<sup>r</sup>

Vorred Doctor  
Hartliebs von Mün-  
chen.

SEneca schreibt in fei-  
nen hohen Sendbrief-  
fen vnn Epifteln/ daß  
aller Fürften Thaten/  
Werck/ Gefalt/ Handel  
vnd Gebârde/ Thun vñ  
Laffen/ zu schreiben/ menniglich zu wissen/  
etlicher beweglicher vrfach halben. Zum  
erften/ daß die jetzigen vnd gegenwertigen  
Fürften/ dieselbe Cronica lesen/ vnn sich  
darinnen eigentlich fleiffen vnd vben/ daß  
fie alle dem/ das ehrbar/ vñ dem gemeinen  
Nutz fürderlich ift/ nachfolgen. Zu dem  
andern/ daß fie alles vermeiden/ das fie hö-  
ren in jren gethanen Sachen vnrecht vnd  
vnbillich gefchehen find. Zum dritten/ daß  
die gegenwertigen Fürften sich also hal-  
ten/ daß fie nach jren Wercken hie im Le-  
A ij      ben/

A2<sup>v</sup>

## Vorrede.

ben/ vnd nach jhrem Todt/ gut Lob behal-  
 ten. Am erften/ fol ein jeglicher Fürft gar  
 eigentlich wiffen vñ erkeñen/ was gut oder  
 böß/ recht oder vnrecht/ Gnade oder Vn-  
 gnad/ fey/ Darumb fol ein Fürft nicht al-  
 lein die Cronica lefen/ fondern auch alles  
 das zur Weißheit nützlich vñnd dienftlich ift.  
 Dann die Heilige Schrift faget durch  
 Salomon also: Wehe dem Lande/ deß  
 Fürft ein Kind ift/ das ift/ Vnweißheit vñ  
 kindifch. Was aber bey vnweisen Fürften  
 dem gemeinen Nutzen vñnd viel Landen  
 gefchehen fey/ findendtu du in etlichen alten  
 Cronicken/ beffer vñnd klärerer dann ich  
 ſchreiben mag. Zum andern/ follten die Für-  
 ften die alten Gefchichten vnd Thaten le-  
 ſen/ dem guten nach folgen/ vñnd das böß  
 meiden. Das ift darumb/ wann mennig-  
 lich ſich fleiffet/ vnd ein auffmercken hat/  
 den Fürften vnd jhren Thaten von ange-  
 borner Natur/ denfelbigen nachzufolgen/  
 Hat dann ein Fürft das Volck in guten  
 vnd rechten Sitten vñnd Tugenden er-  
 zogen vnd befatttet/ dem mag in allen fei-  
 nen Thun vnd Laſſen kein abgang noch  
 gebre-

A3<sup>r</sup>

## Vorrede.

gebrechen gefchehen/ Als wañ fein Volck  
mit einer Summ gehorfam ift/ darinnen  
dann unüberwindlicher Sieg/ aller der  
Sachen/ der fich der Fürft vnderwinden/  
entfeheth. Zum dritten/ Wann fich dann  
die Fürften alfo halten/ dz fie gut Lob nach  
jrem Leben verlaffen.

Ja was mag höhers vnd beffers feyn/  
wiewol die Alten von der Seligkeit deß  
Ewigenlebens/ das vns Chriftus/ der  
ware Gottes Son/ mit feinē bitterm Tod  
vnd jämmerlichen Marter erworben vnd  
verdienet hat/ nichts gewußt haben/ jedoch  
haben fie fich gefliessen/ daß fie nach jhrem  
Todt gute Werck hinder jnen lieffen/ daß  
menniglich jr defter lenger gedächet.

Das find die wort vnnd mei-  
nung Senece.

A iij Vor

A3<sup>v</sup>

---

Vorred Johan  
nes N. Doctor der  
Artzney.

BEit nu das Buch  
von dem groffen Ale  
xander gar viel vnzal  
barlicher Stück vnnd  
Capitel in sich helt/  
dardurch ein Fürfte  
groffe Tugendt vnd  
Mannheit erlernen/ fehen vnd erlangen  
mag. So hat der Hochgeboren/ Durch  
lechtigster Fürft/ Hertzog Albrecht/ Her  
tzog in Beyren/ Pfaltzgraffe bey Rein/ vn̄  
Graffe zu Hoburg/ auch fein Allerdurch  
tigefte Gemahel/ Fraw Anna/ vō Braun  
schweig geboren/ nicht vnbilich an mich  
Meifter Johannes/ Docter in der Artz  
ney vnd natürlichen Künften/ jhrem Vn  
derthanen/ begert vnd gebetten/ das Buch  
deß groffen Alexanders nach dem waren  
Text zuuertutchen/ nichts darzu noch  
daruon

A4<sup>r</sup>

## Vorrede.

daruon thun/ das hab ich mich verwilliget/  
 durch jrer beyder mannigfaltig Gnadē/ so  
 sie mir täglichen erzeigē/ auch von fonder  
 schulden/ so ich jhren Fürftlichen Gnaden  
 schuldig vnnd verbunden bin/ Darumb  
 so ruffe ich an die Gnade deß heiligen Gei-  
 stes/ mir beyftendig zu feyn/ dieweil on fein  
 Hülffe kein gut ding vollbracht werden  
 mag.

Darnach nim ich für mich Senecam/  
 der lehret die Fürften/ daß sie die Croni-  
 cken vnd Hiftorien/ die von den alten Für-  
 ften gefchrieben find/ offft lesen/ das rahte  
 ich auch Ewer Fürftlichen Gnaden/ mein  
 Allernädigfter Herr/ das E. F. Gnaden  
 diefem also nachfolgen/ so doch Gott der  
 Herr E. F. Gnaden so wol mit natürli-  
 cher Vernunfft begabet hat/ daß ich ohn  
 zweiffel bin/ E. F. Gnaden haltē Fürften-  
 standt/ daß menniglich von E. F. Gnaden  
 gebeffert werde.

Auch meyn ich Euwer Gnaden/ Al-  
 lerdurchleuchtigfte Fürftin/ geboren von  
 Braunfchweig/ ein ware Auffhalterine  
 deß löblichen Hauß von Bayern/ darauß

A iijj ent-

A4<sup>v</sup>

## Vorrede.

entproffen feind fünff Durchmächtige/  
 zwey Fürftlichs Standes/ die dann allein  
 nach rechter Sipfchafft auffhalten das  
 Keiferlich Lobhauß Beyren/ fo gedenck  
 an Euwer Fürftlichen Gnaden Wirdig<sup>z</sup>  
 keit/ die in allen Chriftlichen Zungen fo  
 weit erfchollen vnd erhöcht ift. Vnd leset  
 oft vnnd gern die alten Cronicken/ vnnd  
 was gutes darinnen funden wirt/ dem fol<sup>z</sup>  
 gen Euwer Fürftlichen Gnaden nach/  
 Widerumb/ was rechtem Fürften vnnd  
 Adelstandt nicht zuftendig vnnd eignet/  
 daffelbige vnderlaß vnd verwerff Euwer  
 Fürftlichen Gnaden.

Daß auch Euwer Fürftliche Gnaden  
 die find/ welche gute Thaten/ Ruhm vnnd  
 Lob/ hinder fich verlaffen/ Wenn Euwer  
 Fürftlichen Gnaden follen fich feyn/ fo  
 fleiffigen fich Euwr Fürftlichen Gnaden  
 Tugend vnd Ehre/ daß es nicht verfw<sup>z</sup>  
 gen bleibt/ Thun E. F. G. aber vnziemli<sup>z</sup>  
 che ding/ die werden minder verborgen.  
 wann leider jetzt die Welt mehr auff böß  
 fagen/ vnd viel vnwares darzu fetzen/ ge<sup>z</sup>  
 neigt ift/ daß zu rechter Warheit/ mit dem  
 gibt

A5<sup>r</sup>

---

Vorrede.

gibt E. F. G. allem euwren Land Vor-  
gang/ Beypiel vnnd Ebenbild/ daß men-  
niglich E. F. G. nachfolgen wirt/ Vñ daß  
E. F. G. alfo leben/ vnd gutes fürtragen/  
das verleihe E. F. G. der war ewig leben-  
dig Gott/ durch feinen Son Jefum Chri-  
ftum/ der mit jm herrfchet von end zu ende/  
vnd der einen jeglichen nach feinem  
Verdienft/ an dem Jüngften-  
gerichte vrthei-  
let.

A v Vor-

A5<sup>v</sup>


---

Der Prologus  
oder Vorrede Eufebij/ vber  
die Hiftoria Alexandri  
Magni.

DJe Streit vnd grof-  
fen Thatē der Vngläu-  
bigen/ die da waren vor  
der Zukunfft Jefu Chri-  
fti/ die find nicht zuuer-  
fchweigen/ wiewol fie  
Heyden gewefen find/ fondern fie find faft  
gut allen Chriften Menfchen zu wiffen/  
auch daß fie weifen die Prelaten vñ Vor-  
geher der Chriften/ fie feyen Geiftlich oder  
Weltlich/ dann fie weifen/ lehren/ vñ thun  
jederman kehren vnd leiten zu einem beff-  
ren Standt. Dañ die Prelaten die das le-  
fen/ die mügen mercken vnd verftehen/ wie  
keufch vnd reiniglich fich die Alten gehal-  
ten haben/ die allein den Göttern gedient/  
vnd aller warheit gepflegt/ vnd fie vor al-  
lem vbel vnfräfflich gehalten. Das ift  
alles

A6<sup>r</sup>

---

## Vorrede.

alles wol bezeuget durch jre Werck vnnd Thaten/ die sie getrieben/ vñ so gar lauter gehalten haben/ vnd so scheinbarlich gedienet den Abgöttern/ daß billich die Christen von jnen nemmen ein Ebenbild vnd Beispiel/ dann sie haben gelebt in Keuschheit vnd Warheit/ in rechter gefatzter Gehorsam vnnd Gütigkeit/ daß sie darinnen die Christen weit vbertroffen/ Dann der Prelaten Vnderthan/ das sind Ritter/ die haben jre Rittertschaft also gehalten/ daß sie von menniglichen vnstråfflich geachtet waren. Was sie vor alte Legenden/ Cronicken vnd Gefatz lafen/ darnach theten sie sich richten mit allem jrem thun vñ lassen/ daß nie keiner ein Vbertretter deß Gefatzes erfunden ward/ der nicht nachfolgend getroffen wurde. Darumb was jr Diensten sie den Teuffelen vnd Abgöttern theten/ strenger vnnd härter/ auch vnstråfflicher dann jetzundt der Dienft der Christlichen Ritter/ die Jesu Christo fast ablefflichen dienen vnd nachfolgen/ Wann leidet jetzundt die Diener vnd Ritter Gottes mehr fleischlichen lieb haben/ vñ lüften anhangen/

A6<sup>v</sup>

---

## Vorrede.

hangen/ dann der Liebe Gottes/ wann als  
der Apostel gelehret hat/ so sol man Gott  
dienen mit gantzem Hertzen/ Seel vnd  
Krefft/ also haben die Heyden jren Ab-  
göttern gedienet/ Dañ wie die waren Chri-  
sten nach S. Pauli Lehr/ Gott Jesu Chri-  
sto dienen sollen in gantzer treuw/ vnd jhm  
vnd seinen Gebotten festiglich anhan-  
gen/ in allen kräfte/ niemand beleidigen/  
noch das sein abnehmen/ vñ ein jeder sich  
betragen sol seiner Habe. Als dann der  
Taffer Gottes auch in seiner Lehre ge-  
botten hat/ vñ vns fast gemahnet/ daß wir  
nicht abtreten von der Himlischen Rit-  
terfchafft/ Das alles vñ noch vil mehr ha-  
ben die Heyden durch Weltlich Lob vñnd  
Ehre festiglich gehalten/ daruñ ziempt  
wol den Christen der Heyden Leben vnd  
Cronick zu lesen vnd zu hören/ daß sie dem  
waren Gott solchen Dienft vñnd ewigen  
vmb ewigen Lohn verbringen/ vñ also die-  
nen als die Heyden jhren Abgöttern vmb  
zeitliche Ehre gethan/ vnd haben das ge-  
trieben von anbeginn der Welt biß auff  
die Zukunfft Jesu Christi. Es ist wohl kleg-  
lich

A7<sup>r</sup>

## Vorrede.

lich zuklagen/ daß so schlechte gut Leut der  
 böse Feind also befehen hat/ daß sie ihren  
 rechten Gott vnd Schöpffer nicht erkann  
 ten/ vnd Geschöpff ehreten vñ anbeten für  
 Gott den Schöpffer/ dardurch magt du  
 verfehen wie not/ wie recht/ ziemlich vnnd  
 billich was/ daß Gott der Herr fendet sei  
 nen eigen Son Jelum Chriftum/ der vns  
 den waren Gott zuerkennen gab/ Wann  
 als die Heilige Schrifft faget/ hett vns  
 Gott von oben herab nicht verfehen vnnd  
 befchauwet/ vnnd daß er vns nicht mit sei  
 nem Todt erlößt hett/ so weren wir ewig  
 lichen verloren gewesen/ so hat er vns mit  
 seinem heiligen Leiden erlößt/ vnd vor al  
 len Teuffelichen Gespengft behüt/ daß  
 wir nun ewiglichen mit den Aposteln in e  
 wiglichem Leben vnnd Glorificieren/ mit  
 emfigen ruffen vnnd schreyen: O heilige  
 hohe vnbegreifliche Dreyfaltigkeit/ der  
 Reichthumb aller Weißheit vnnd Kunft/  
 wie gar vnbegreiflichen sind dein Vr  
 theil/ vnd wie gar vnerforschli  
 chen feind deine  
 wege.

Anfang